




DE LA FEDERACION ESPAÑOLA DE ESPERANTO

AÑO 37 N° 271 SEPTIEMBRE-OCTUBRE 1985



RAPORTO PRI LA 45A HISPANA KONGRESO DE ESPERANTO

LA MARO, FAKTORO DE KOMUNIKADO

SALUTO DE LA ESTRARO DE UEA

AGADPLANO - FERM - SALUTO

ARTAJ, SCIENCAJ KAJ KULTURAJ HOROJ

BOLETIN DE LA FÉDERACION ESPAÑOLA DE ESPERANTO

Directora: María Aurora Viloria

Dirección y administración
Carreras Candi, 34 — 36
08028 BARCELONA

REDACTOR JEFE
Giordano Moya
Balmes, 38 Tel. (93) 7881839
TERRASSA (Barcelona)

COMITE DE REDACCION
Vicente Hernández Llusera
Gabriel Mora i Arana
Andrés Martín González
Luis Serrano Pérez
Miguel Gutiérrez Adúriz
Antonio Marco Botella

UTILAJ ADRESOJ

Hispana Esperanto-Federacio
Carreras Candi, 34-36
Tel. (93) 2402662
08028 BARCELONA

PREZIDANTO
Salvador Aragay i Galbany

VICPREZIDANTO
Luis María Hernández Izal

SEKRETARIO
Víctor Ruiz Rodríguez

VICSEKRETARIO
Josep Miranda Calvo

KASISTO
Joan Font Civit

Pagojn sendu al
Caja de Pensiones para la Vejez y de
Ahorros
Libreta n° 2.303-26
Agencia Riera Blanca, 436
08028 BARCELONA

LIBRO—SERVO DE H.E.F.
Luis Hernández García
Apartado 119
47080 VALLADOLID

Pagojn por Libro-Servo:
Cuenta Postal 3.118.078 VALLADOLID

ELDONA FAKO
Inés Gastón
P° de la Constitución 35-4°
50001 ZARAGOZA

ĈEFDELEGITO DE U.E.A.
Juan Azcuénaga Vierna
Gral. Dávila 127, portal 7, 2° iz.
Tel. (942) 339487
Cuenta Postal 03548531
39007 SANTANDER

INFORMA—FAKO
Enrique Piquero Vázquez
Asín y Palacios 8-6° A
50009 ZARAGOZA

OFICEJO
Rodríguez San Pedro, 13-3° P.7
28015 MADRID

ENHAVO

	Pago
45a Hispana Kongresode Esperanto . . .	3
Artaj Sciencaj Kaj Kulturaj Horoj . . .	10
Agadplano	11
Ferm — Saluto	12
Hef — Sidejo en Barcelono	12
Raporto de HEF	13
La Maro, Faktoro de Komunikado . . .	15
Estraro de HEF	18
Poezia Angulo	19
Saluto de la estraro de UEA	21
Dokumentoj	23

45A HISPANA KONGRESO DE ESPERANTO

Ĝi okazis en Kartageno, de la 5a ĝis la 9a de julio 1985a.

Vendrede, oni jam disdonis la dokumentojn kaj estiĝis la interkono vespero.

Sabate matene: Oni frue vizitis la urbodomon, kies konsilanto, s-ro Petro Fructuoso, kore akceptis la gekongresanojn. Li krome emfazis la fakton, ke Esperanto estas jam tradicia en Kartageno, kaj ĝin komparis kun la Kartagena haveno, ĉar ambaŭ estas, li diris, internaciaj komunikiloj. Li finis per salutvortoj en Esperanto, kaj donacis belan turisman libron pri Kartageno al s-ro Aragay. Siavice, la HEF-prezidanto s-ro Aragay dankis lian afablon kaj diris, ke la esperantistoj havis devon kongresi en Kartageno, ĉar ĉi tie naskiĝis la pioniro Rikardo Codorniu, kiu fondis la unuan esperantistan organizaĵon en Hispanujo. Codorniu, kiu estis membro de la Akademio de Esperanto, li aldonis, vizitis kun sia filino, ankaŭ esperantistino, la unuan Kongreson de Esperanto en Boulogne-sur-Mer, jam la

jaron 1905-an. Poste s-ro Aragay reciproke donacis al s-ro Fructuoso la Esperanto-tradukon de la verko "La Familio de Pascual Duarte", de Camilo J. Cela, kies patro, li reliefigis, estis esperantisto.

Sabate posttagmeze: Post enkondukaj vortoj de la prezidanto de la Organiza Komitato, s-ro García Pintado, la Delegito de la Hispana Registaro, s-ro Eduardo Carré deklaris sian admiron al la esperantistoj, kiuj impulsas la unuiĝon de la homaro. Esperanto naskiĝis en Eŭropo, li diris, ĉar la modernaj komunikiloj proksimigis la homojn, kaj tial ĝiaj loĝantoj devis vivi kune, kaj konsekvence necesis interkomprenilo. Nuntempe la mondo malgrandiĝas kaŭze de la cibernetiko kaj la turismo, kaj pro tio Esperanto troviĝas en favora momento, precipe por la junuloj, kiuj deziras interkompreniĝon. Tuj sekve li deklaris la Kongreson malfermita.

Post la interveno de la Delegito de la Hispana Registaro, la HEF-prezidanto s-ro Salvador Aragay

diris: Estimataj gekongresanoj! Nur kelkajn vortojn por gratulis-ron Eduardo Carré pro liaj afablaj vortoj, kaj reliefigi tion, kion li diris. Nun la simpatioj por Esperanto estas ĝeneralaj, kaj certe ni



Delegito de la registaro s-ro Eduardo Carré, ricevas de s-ro José F. Arroyo ekzemplerojn de la lastaj eldonitaj verkoj; meze prezidanto Salvador Arago

travivas unikan periodon de la Esperanto-Movado, ĉar danke al la decido de la Ministerio de Eduka-

do, okazinta la pasintan jaron, permesinta la instruadon de 2 modernaj lingvoj en BUP kaj FP, nia kara samideano F. Zaragoza Ruiz atingis de la "Generalitat" de Valencio, oficialan agnoskon por la instruo de Esperanto-kurso en la Nacia Lernejo "La Paz" de Callosa de Segura. Sed ne nur en nia lando —la unua kiu agnoskis Esperanton jam en la jaro 1911-a— sed eksterlande ankaŭ oni marŝas antaŭen. Ni devas mencii, ke ni travivas eksterordinaran momenton. Granda nacio, Ĉinujo, krome festas nunjare ankaŭ la 35-an datrevenon de la eldonado de la revuo "El Popola Ĉinio". Do, sendube ni vivas unikan tre favoran momenton, kaj vi devas konscii, ke ĉiam ne okazos same. Pro tio ĉiu el ni devos streĉi siajn fortojn por atingi la tutan triumfon de Esperanto.

Tuj sekve jene paroladis la eksprezidantino de HEF, s-ino M^a Rafaela Uruña: Al niaj aŭtoritataj moŝtoj, membroj de la Organiza Komitato, estimataj gesamideanoj: Plian jaron ni troviĝas en la sojlo de Hispana Kongreso de Esperanto, kun la ĝojo povi interŝanĝi ideojn kaj labori profite de nia komuna idealo, ĉiam kun la espero, ke la kongreso finiĝos per pozitivaj konkludoj, frukto de realigita laboro. Sed ankaŭ estas kultura aspekto, kiun ni, esperantistoj, profitas en ĉiuj kongresoj: koni la urbon, en kiu ni troviĝas, enprofundiĝi en ĝiajn kulturon kaj historion, kaj viziti ĝiajn ĉirkaŭaĵojn.

Aliparte renoviĝo estas ĉiam necesa en la vivo, des pli, ĉar ja la ĝisnuna HEF-estraro jam plenumis sian laŭstatutan labor-periodon. Tial, en la Ĝenerala Kunveno de ĉi tiu Kongreso oni procedos ratifi la novan HEF-estraron, kiu konekse kun la antaŭa gvidantaro, jam provizore, ekde la nuna jaro, transprenis kun entuziasmo la administrajn taskojn de la Federacio.

Antaŭ ĉio ni devas resti dankaj al ĉi tiuj novaj gvidantoj pro ilia bonvola decido esti pretaj transpreni la torĉon de la Federacio, konsciaj pri la tasko ilin atendantita. Pro tio mi deziras al ili, en mia nomo kaj en tiu de la estraro, kiun mi havis la honoron prezidi, ke ilia HEF-administrado estu realigata tiom unuece, tiom konekse kun la respektivaj membroj, kaj tiom iluzie, kiom okazis ĉe la nia. Ĉi tiuj principoj estas esencaj kaj fundamentaj por efike atingi la deziratajn celojn, por kio ni estas senkondiĉe pretaj ilin helpi kaj konsili, se tion ili konsideras konvena kaj oportuna. Mi ankaŭ volas esprimi mian dankemon al la organizintoj de ĉiuj kongresoj realigitaj sub nia HEF-gvidado, ĉar sen ilia abnegacio ne estus povintaj okazi tiuj ĉiujaraj manifestacioj kongresaj, celantaj la diskonigon kaj la progresigon de Esperanto.

Dankon al la aŭtoritatuloj lokaj, regionaj, aŭtonomaj kaj naciaj, kiuj volonte fariĝis kunlaborantoj, en siaj respektivaj postenoj, de niaj kongresoj, kion majoritate ili faris

kun malfermita animstato favora al nia kultura celo. Dankon al la inform-centroj, kiuj ĉiutage mencias niajn iniciatojn. Dankon al la membroj de la Federacio, kaj al vi ĉiuj, kiuj per via partopreno



S-ro García Pintado prezidanto de la L.K.K. transdonas florbukedon al nia eksprezidentino María Rafaela Urueña

en la kongresoj ebligas ties realigon.

Kiam ni proksimiĝas al la Centjareco de la Lingvo Internacia Es-



Inaŭguro de strato "Idioma Esperanto" en "Torre Pacheco"

peranto, ni devas kun renovigita entuziasmo kunlabori, laŭ niaj ebloj, en la projektoj de la nova HEF-estraro, ĉar (estante ĉiuj) unuigite ni povos atingi la deziratajn celojn.

Nur restas al mi deziri al ĉiuj ĉeestantoj feliĉan restadon en Kartageno, kaj ke el ĉi tiu Kongreso emanu multaj perspektivoj realigeblaj en la futuro.

Sabate posttagmeze: Kvankam ĝi ne estis enprogramigita, okazis katolika Diservo, kiun ĉeestis konsiderinda nombro da esperantistoj. Oni legis en Esperanto la 1-an leĝon, kion faris M. López Serna, Ezekielo 2, 2 – 5; kaj la 2-an lega-

ĵon, kion faris L. Ma Hernández Izal, 2 Korintanoj 12, 7 – 10. La Evangelio estis legata de la celebranto, kiu krome predikis favore al Esperanto.

Sabate vespere: En la salono de Instituto "Isaac Peral" havis lokon folkloro festo, dum kiu la ensemblo "Peña La Alegría de la Huer-ta" prezentis belajn tipajn dancojn.

Dimanĉe: Okazis tuttaga peraŭtobusa ekskurso al la fama turisma loko "La Manga del Mar Menor" (Murcio). Tiu mirveka ekskurso, kiu sendube estis unu el la plej gravaj kaj belaj programeroj de la Kongreso, estis niaopinie pozitive epokfara, ne nur por la hispana Esperanto-Movado, sed ankaŭ je tutmonda nivelo, ĉar koincide kun ĝi estis oficiale inaŭguritaj, kun ĉeesto de pli ol cent esperantistaj ekskursantoj, tri stratoj kun la nomo ESPERANTO en la urboj Kartageno, La Unión kaj Torre-Pacheco, en kiu lasta urbo oni krome regalis la ekskursantojn per abunda lunĉo, same kiel en Los Alcáceres, kies municipo ankaŭ intencas, en baldaŭa dato, inaŭguri sian straton ESPERANTO.

Lunde matene: En kunveno omaĝe al la forpasintaj HEF-anoj, oni silentis minuton je ilia memoro. Tiukaze oni recitis poezion de la forpasinta s-no Fernández Jurado, laŭeble publikigotan en iu venonta "Boletín". Post tio estis liverita la nunjara "Premio Klara Silberník". Ĉar s-ino Antonia Ur-



Inaŭguro de strato "Idioma Esperanto" en "Cartagena"

gellés, vidvino de s-ro Ramón Molera, ne povis persone ricevi tiun Premion, ŝianome transprenis ĝin s-ino Faŭstina Martínez.

Lunde tagmeze: Oni vizitis la bierfarejon "La Aglo", kie la gekongresanoj scieme rigardadis la ellaboradon de tiu renoma marko de biero, kiun ili poste povis gustumi ĝissate, invitite de la direkcio.

Lunde posttagmeze: En la Ĝenerala Kunveno de Hispana Esperanto-Federacio, oni unuanime

elektis ties novan estraron, kun unu sola memdeteno.

Lunde vespere: Duopo de kanzonistoj de "trovos", akompanate de gitaristo, improvizis repertuaron de tiaj kanzonoj, tiuokaze precipe rilataj al Esperanto, laŭ peto de la spektantaj gekongresanoj. La "trovos" estis protestaj kanzonoj de la ministoj de La Unión, kiuj pro ekscesa laboro, en la periodo inter la pasinta kaj nuna jarcentoj, nur povis vidi la sunon dimanĉe.

Marde matene: Vizito al la Kartagena "Nacia Muzeo de Mara Arkeologio", kies valoran enhavon oni admiris kun granda intereso.


Marde tagmeze: La "Ĥorgrupo Kartago Nova" majstre interpretis plurajn muzikpecojn, precipe "habaneras", kaj krome ĝi kantis "De Santurco al Bilbao" kaj "La Espero" en Esperanto.

Marde tagmeze: En aparta kunveno okazis prezento de la ĵus aperintaj libroj. Post enkondukaj vortoj de s-ro Aragay, tuj sekve s-ro J. Fernández Arroyo parolis pri sia 15-leciona lernolibro, kies disvendadon zorgas komerca entrepreno. S-ro F. Zaragoza Ruiz faris klarigojn pri sia perfraza metodo, ankaŭ taŭga por perkoresponda kurso. Poste estis intersekve prezentataj "Curset d'Esperanto", rekmetoda libreto en kataluna lingvo, de Pere Saumell; la populara verko "La Familio de Pascual Duarte", de Camilo J. Cela, en la Esperanto-traduko de Akademiano F. de Diego; kaj la ĝisfunda gramatika studo

ESPERANTO POR LA JAROJ
DU MIL, de L. Mimó Espinalt. En
la libro-servo, funkcia dum la
kongrestagoj, oni ofertis tiujn li-
brojn kune kun granda stoko da
diverstemaj verkoj.

s-ro Julio Bueno, nome de sia Es-
peranto-Grupo invitis la ĉeestan-
tojn al la Kongreso de Vigo, oka-
zonta de la 15-a ĝis la 20-a de julio
de la venonta jaro 1986-a.

Fine, la sekretario de la Organi-



Kongresanoj en la salono L.L. Zamenhof

Marde posttagmeze, ekster la
kongresprogramo, okazis parolado
en Esperanto pri Bahaismo, kun
posta kolokvo.

Samtage posttagmeze: Post pa-
roladeto de la HEF-prezidanto,
s-ro Aragay, kiu speciale dankis la
ĉeeston de la kongresanoj, oni live-
ris la diplomojn al la ekzamenitoj
de la Esperanto-kursoj. Tuj sekve,

za Komitato, s-ro Cabezas Martí-
nez legis la jenan Kongresan Rezo-
lucion:

1) Peti al la Ĝenerala Poŝta Direk-
cio la emision de memoriga poŝt-
marko, se eble valida por interna-
cia afranko, okaze de la Centjare-
co de la Lingvo Internacia Espe-
ranto.

2) Danki al la Ministerio de Edu-

ko kaj Scienco la fakton, ke pere de ĝia Dekreto n° 2454 de la 13a de septembro de 1984a, fariĝis ebla la lernado de Esperanto, kiel dua moderna lingvo, en horoj de klaso, en BUP kaj FP.

5) Danki al la aŭtoritatuloj de Kartageno, same kiel al la municipoj de La Unión, Torre-Pacheco kaj Los Alcáceres, pro ilia apogo donita al la Kongreso, kaj pro ilia respektiva dediĉo de strato kun la nomo Lingvo Esperanto.



Kongresanoj en la antaŭkafeto de "El Club de Golf"

3) Danki al la Valencia "Generalitat" la koncesion de la oportuna permeso por la aranĝo de ordinara kurso de Esperanto, en horoj de klaso, en la Lernejo "La Paz" de Callosa de Segura (Alikanto).

4) Rekoni la influon, kiun havis kaj plu havas la maro kaj en la internacia komunikiĝado, kaj por la alproksimigo de la kulturoj.

6) Esprimi nian dankon al la lokaj ĵurnaloj kaj radiostacio pro la informadiskongigado, kiun motive de la 45-a Hispana Kongreso de Esperanto, ili efektivigis dum tiuj ĉi tagoj.

Marde vespere, okazis la bankedo, post kiu oni disdonis la atestajn diplomojn pri ĉeesto en la Kongreso, kio estas simpatia nova-

ĵo fare de la Organiza Komitato de Kartageno.

Nun restas diri nur: ĝis revido venontjare en Vigo.

VELUS

P.S. Apartan mencion meritas la protagonismo de la juneca kongresano s-ro Frederic Alberich, kiu per siaj trafikaj spritaĵoj sukcesis krei ĝojan etoson en nia familia rondo.

ARTAJ, SCIENCAJ KAJ KULTURAJ HOROJ

Ilin partoprenis kvar prelegantoj:

Manuel López Serna disertaciis pri la kanabo kaj ĝia terkultiva kaj industriaj laboroj.

Li priskribis la devenon de la kanabo, la ecojn de tiu fibreca herbo kaj tiujn de la semoj, el kiuj ekzistas toksaj variaĵoj. Li rakontis pri la peniga laboro de ĝia kulturado kaj taksita aranĝo kaj konstatis la nunan dekadencan de la kanabo pro krizo en ĝia uzado, ĉar la modernaj plasto anstataŭis la kanabon, malgraŭ ĝia supereco super la plasto.

Giordano Moya temis pri "Ĉu povas esti scienca etiko?" Li reliefigis, ke pro la jarmilaj spertoj la homo eliris intuicie la etikajn perceptojn por ebligi la socian vivon kaj tiuj perceptoj estis enkorpiĝintaj en la religioj. La scienca etiko estis nebla en pasintaj epokoj, ĉar tiam ne ekzistis sciencaj scioj. La scienco estas moderna metodo de sciado, kaj nur en la nuntempo estas eble science formuli la etikajn devigojn, kiuj estas hereditaj el la senfina forpaso de la tempo.

Alberto Franco prezentis studon pri la andaluza fonetiko. Li rimarkigis la fonetikajn diferencojn inter la oficiala kastilia lingvo kaj la andaluza dialekto, kiu havas karakteron de propra lingvo kaj montris la diversajn zonojn de propra andaluza prononcado, kiuj ne koincidas kun la andaluzaj provincaj areoj.

Juan Nabareño klarigis la esperantan uzadon de la prepozicioj al kaj de, kiuj ne havas la saman amplekson de signifoj ol la kastilia lingvo, kaj tio okazigas la misuzon de tiuj prepozicioj en Esperanto.

G.M.E.

AGADPLANO

Agadplano aprobita por la estonta periodo ĝis la 47a Kongreso en Madrido.

- a— Konigi pli intense la celon kaj aktivecon de HEF al la E-Asocioj kiuj ankoraŭ ne aliĝis al nia Federacio.
- b— Subteni la eldonadon de novaj verkoj, eldonotaj de la E-Grupoj kaj E-Asocioj, kadre de la Hispana Jubilea Komisiono.
- c— Aperigi nian Bultenon, regule, kun la celo ke ĝi estu freŝa, utila kaj altira por la membraro.
- ĉ— Plani por la 2 estontaj kongresoj fincan peton al la diversaj kulturaj institucioj de nia lando: Ministerioj, aŭtonomaj komunumoj, Ŝparaj Kasoj, Komercaj entreprenoj, ktp.
- d— Plifirmigi nian internacian agadon speciale kadre de la Universala Esperanto-Asocio. Ĝis nun nia Federacio kiel landa asocio de UEA en Hispanujo nur havas unu komitatano —li estas s-ro Luis Hernández García de Valladolid— ĉar ni ne atingis pli ol mil asociajn membrojn. Tamen laŭ la sperto de la unua duonjaro ni estas certaj ke facile HEF povas atingi la nombron 1.001, kio permesos al ni elekti du komitatanojn en UEA.
- e— Solidigi la Esperanto-Movadon en nia lando helpante la organizadon de novaj E-Asocioj kaj E-Grupoj.
- f— Apogi la agadon de la Hispana Jubilea Komisiono pri la diversaj projektoj aprobitaj en ĝia pasinta speciala kunveno: Eldonado de verkoj, Hispana Honora Komitato, Internacia Patrona Komitato, ĉesto al la Jubilea Universala Kongreso en Varsovio, ktp.
- g— Plialtigi la nombron de niaj membroj ĝis...??? Vi la reprezentantoj de la E-asocioj, kaj vi individuaj membroj de HEF devas respondi pri tio: kiom da membroj vi deziras ke nia Federacio havu.

FERM – SALUTO

Karaj gekongresanoj: Ni alvenis al la fino de la nunjara kongreso. Nome de la gekongresanoj kaj estraro, ni dankas al la Loka Kongresa Komitato por ĝia tre bona efika agado en la organizado de la Kongreso.

Dank'al ĉiu membro de la L.K.K., ĉiu ero de la programo atingis grandan sukceson; inter aliaj aliĝis al HEF tri pliaj Esperanto-organizoj: Klubo Amikoj de UNESKO E-Sekcio en Madrido, Grupo Esperantista "Ricardo Cordoni" en Murcio kaj Andaluzia Esperanto-Unuiĝo en Malago. Tiel do, entute jam estas aliĝintaj al nia Federacio 41 Esperanto-organizoj. Plie, gravaj kaj pozitivaj rezolucioj kaj agadplanoj estis aprobitaj por la venontaj du jaroj.

Ni tutkore restas tre dankemaj al la aŭtoritatuloj de la urboj: "Cartagena", "Torre-Pacheco", "Los Alcázares" kaj "La Unión", kaj al ĉiuj organizoj kaj personoj, kiuj helpis kaj subvenciis nian Kongreson.

Sekve oni disdonas la diplomojn al la sukcesintaj ekzamenitoj, atestojn al la kunlaborantoj de ILEI, kaj fine ni fermos la kongreson, kunkantante nian himnon. ĜIS VIGO!!!

Salvador Aragay

HEF – SIDEJO EN BARCELONO

VIZITOJ

En la pasinta aŭgusto vizitis nian sidejon la jenaj eksterlandanoj: Komence de la monato prof. Luis C. el Kubo, instruisto de hispana lingvo en usona universitato, informis nin pri la usonaj instrumentadoj.

La tagon 14an, vizitis nin s-ro Thor de Caspary, kiu ĝentile interŝanĝis norvegajn verkojn kontraŭ la lasta verko eldonita en nia lando "La Familio de Pascual Duarte".

La tagon 21an prof. Janes Cool, instruisto de franca lingvo en Usono kaj samtempe instruisto de la SOMERA KURSO DE ESPERANTO en la universitato de "San Francisco".

NACIA LOTERIO N—RO 37103

Meze de oktobro en la HEF—sidejo en Barcelono, estos je la **dispono** de la esperantistaro loteribiletoj de la NACIA LOTERIO por kristnasko.

Ĉiu bileto koston 100 p-tojn, sed oni priludos nur la nominalan valoron, t.e. 80 p-tojn.

Interesatoj mendu ilin kaj sendu samtempe la sumon. La mendoj **estos** validaj nur post ricevo de la koncernaj pagoj.

La HEF—estraro kaj delegitoj de la esperantaj asocioj interkonsentis en Cartagena, ke la Esperantaj Asocioj pagos al la Federacio, post la revendo de biletoj al membroj, nur po 90 p-tojn, kaj devos likvidi la konton aŭ reŝendi ne venditajn biletojn, antaŭ ol finiĝo de novembro.

RAPORTO DE HISPANA ESPERANTO FEDERACIO

PERIODO DE 1A DE JULIO 1984A ĜIS 30A DE JUNIO 1985A

Tiu ĉi periodo de nia aktiveco, estis vere intensa pro diversaj cirkonstancoj, kaj eble la plej grava konkludo estas ke malgraŭ tio ke dum la unua duonjaro agis la antaŭa estraro kaj dum la lastaj ses monatoj agis la provizora estraro, ĉiu departemento, fako kaj sekcio de nia Federacio, laboris regule kaj plenumis sian taskon.

Nun ni informas pri la unua duonjaro, t.e., ĝis la 31a de decembro de 1984a.

KONGRESOJ. La pasinta 44a Hispana Kongreso en Seviljo estis vere grava kaj sukcesa, ĉar dank'al ĝi

plifirmigis la strukturo de nia Federacio; oni aprobis la agadplanon de Hispana Jubilea Komisiono, elektis du novajn kongresurojn — Vigo 1986a kaj Madrido 1987a — Floris nova agado — Artaj kaj Sciencaj Horoj —, kaj plie dank'al la lerta organizado de la Loka Kongresa Komitato de Seviljo, oni sukcesis organizi la kongreson je favora saldo da 91.045 pesetoj.

Pliaj esperantaj aranĝoj okazis en Hispanujo: la 2a Andaluza Kongreso, la 20a Kataluna Kongreso, la 8a HEJS—Tendaro, la 13a

Valencia Renkontiĝo kaj multenombraj aliaj esperantistaj kunvenoj, kiuj montras ke nia E-movado estas treege aktiva.

Kiel ĉiujare, grupo da esperantistoj ĉeestis la Universala Kongreson en Kanado kaj nome de HEF salutis, samideanino Francisca J. Yruegas. Estis elektita kiel nova honora membro de UEA, nia tre estimata samideano d-ro Régulo Pérez. Ankaŭ nia elstara verkisto Fernando de Diego gajnis la duan premion de Fondaĵo Grabowski, kultura fonduso, fondita de s-ro Adan Goralski el Kanariaj Insuloj.

BOLETIN. La organo de nia Federacio aperis iomete malakurate, sed ĝi kiel ligilo de la membraro kaj kiel informa kaj kultura revuo plenumis sian rolon.

Je la komenco de Decembro la prezidantino kaj Sekretario vojaĝis al Barcelono kun la celo, organizi la translokiĝon de la administra sidejo.

Meze de Decembro nia prezidantino Rafaela Urueña vojaĝis al Madrido kaj oficialigis la aĉetadon de la Oficejo de HEF.

Sekve oni informas pri la agado dum la dua periodo de la provizora estraro:

- a— Daŭrigi la kontaktojn kun la respondeculoj de la estontaj 46a kaj 47a Hispanaj Kongresoj de Esperanto. Aliĝiloj restas je via dispono.
- b— Konigi la celon de HEF al la Esperanto-Grupoj, kiuj anko-

raŭ ne estis aliĝintaj al HEF; la rezulto estis ke aliĝis al HEF 9 E-grupoj:

Esperanto-Grupo Jozefo Anglés, en Sant Cugat del Vallés.

Esperanto-Grupo Mollet, en Mollet del Vallés.

Esperanto-Sekcio, Centre Excursionista Puig Castellar, en Sta. Coloma.

Esperanto-Grupo Klara Silbernik, en Sabadell.

TUTMONDE, Internacia pacista movado, en Terrassa.

Hispana Esperanto-Muzeo, en Sant Pau d'Ordal.

Ĉiuj de la provinzo de Barcelono kaj Grupo Esperanto IB Séneca, en Córdoba kaj Katolika Esperantista Hispana Asocio, en Zaragoza.

Plie 36 novaj membroj ankaŭ aliĝis, tiel nun HEF havas 624 membrojn.

c— Subteni la eldonadon de Barcelona Esperanto-Centro per aĉeto de 60 ekzempleroj de la verko La Familio de Pascual Duarte. Nun ni jam povas informi vin ke la Ŝpara Kaso, en kiu la HEF-sidejo en Barcelono malfermis konton, subvenciis je 25.000 pesetoj, kio signifas ke HEF pagis al Barcelona Esperanto-Centro 28.000 pesetojn kaj ricevis de la Ŝpara Kaso 25.000 pesetojn.

ĉ— Decidis eldoni la estontan numeron de HEF—Bulteno, Majo-Junio-Julio-Aŭgusto, kune, nur tiamaniere oni regulos la

aperadon de nia organo. Pro tio, eble meze de aŭgusto, vi ricevos la menciitan bultenon — lastan eldonitan en Valladolid—, kaj la numeron Septembro-Oktobro, la unuan eldonitan en Barcelono, je la fino de Septembro.

d— Peti permeson al la familio Tudela, pri la eldonado de la verko "Vocabulario Esperanto-

Español". Finfine antaŭ kelkaj semajnoj oni jam trovis interkonsenton pri ĉiuj punktoj... Kaj nia ideo estas prezenti la verkon okaze de la 46a Hispana Kongreso en Vigo. Pliaj demarŝoj estis faritaj, sed ili estas nur administraj aferoj: konrespondado al la E-Grupoj, respondoj al la membroj, ktp. Do ni restas je via dispono.

S. Aragay

LA MARO, FAKTORO DE KOMUNIKADO. (Resumo)

PAROLADO DE M. RAFAELA URUEÑA, DOKTORINO PRI JURO

1.— Kial la Maro?

Rilate la Esperantan Movadon, la elektita temo de ĉi tiu Kongreso povas kaŭzi surprizon. Kial la maro kiel kongresa temo? Unue, ĉar jam estas de ĉiuj sciate ke Kartageno estas mara urbo, historie kaj nuntempe, kaj krom tio la vivo mem de la urbo estas ligita al tiu faktoro, ĉar ne vane ĝia natura haveno estas unu el la plej elstaraj de la tuta Mediteraneo.

Perdita en la antikva legendo, la origino de Kartageno, situas en la unuaj praloĝantoj de Hispanio, kaj elstaris dum la roma imperio, ĉiam dank'al la grava faktoro kiu rolis la ĉefan influon: La **Mediteraneo**.

En la antikva epoko, la maro estis enkadrigita en la hodiaŭ nomataj Mediteraneaj Maroj, rilate la homan eblecon al navigado, kie la ŝipistoj malvolvis siajn komercajn kaj komunikajn aktivecojn. Oni devas ankaŭ rememori la gravan trajton de la maro en la pratempo; kiam, escepte de la fenicoj kaj kartaganoj, la aliaj popoloj rigardis tieme la malproksimajn marojn, kaj eĉ kun teruro ili trapasis la "Herkulajn Kolonojn".

Kontraŭe la Fenicoj, kun granda komerca genio, faris el la navigado sian propran sinon. Ili trapasis la Herkulajn kolonojn, estis la unuaj kiuj atingis la Okcidenteŭro-

pajn marojn, komercante dum jaroj kun la nordaj popoloj, trasulkis la afrikajn marojn, la Ruĝan Maron, Hinduĵon, kaj verdire ili monopolis la komercon de la epoko dank'al sia ruzeco: Alveninte, por eviti la konkurencon, ili rakontis al la aliaj mediteraneaj popoloj, pri fabelaj danĝeroj kaj riskoj en la mara komerco, per kio ili atingis la deziratan celon, ke neniu aliaj dum jarcentoj trasulkis la marojn.

La Kartagenanoj, komencis la markomercon per piratado. En tiu epoko tiu aktivaĵo ne estis konsiderata kontraŭleĝa, ĉar same ol la restantaj popoloj, ili konsideris la eksterlandanojn kiel malamikojn prirabindajn.

De la elstara influo de mediteraneaj urboj kiel Genevo, Venecio, Amalfo, Marsejlo, Barcelono kiuj fariĝis protagonistoj de la riĉa mediteranea komerco, devenis gravaj maraj leĝoj kiel "La Tabula de Arnalfi", "La Leĝoj de Venecio", "La Fuero de Valencio", "La Llibre del Consolat del Mar" de Barcelono, "Les Rôles de Oleron", k.t.p. kaj la pretendo havi proprieton pri la apuda maro.

La dua epoko en la mara komunikado komenciĝas per la malkovro de Ameriko.

Per tiuj malkovroj, estas la Oceanoj kiujn oni deziras monopoligi por la propra komercpovo, kaj estas la momento kiam la grandaj modernaj imperioj batalos por atingi tiun povon.

Jen la fundamenta signifo de la

malkovro de Ameriko, fare de Hispanio kaj Portugalio, ne nur pro la fakto mem, sed ĉar tio estas la kaŭzo de nova propono doktrina kaj praktika pri la granda debato rilate la maran liberecon.

Hispanio kaj Portugalio vojaĝis tra ĝis tiam nekonataj maroj, sed pro intermikso en siaj maraj aktivaĵoj, estis necese limigi la parton de la Oceanoj por ĉiu ŝtato. La Buleo de la Papo Aleksandro la 6a kaj la Traktato de Tordesillas dividis la konatajn marojn inter la du ŝtatoj, ekskludante la aliajn.

Kompreneble, ĉi tiu divido ne estis akceptita de la aliaj maraj ŝtatoj, ĉefe Francujo, Anglujo, Nederlando, k.t.p. kaj komenciĝis vera batalo por doktrina interdisputo pri la libereco de la maroj.

En sia "Relectio Prior" Vitoria, diras; "Je la komenco de la mondo, estis leĝe, ke iu ajn povu trakuri la regionojn, kaj tio ne estis abolicita, ĉar neniam estis intenco eviti la interkomunikadon de la homoj". Se la maro estas komunikilo inter la popoloj, la agnosko de la principo de mara libereco estas nepre necesa por la homaj rilatoj.

Tiun saman doktrinon sekvis aliaj aŭtoroj kiel Domingo de Soto, Vazquez de Menchaca, Covarrubias, k.t.p. en Hispanio; Serafin de Freitas en Portugalio, Alberico Gentile en Italio, kaj kiel jam dirite, la nederlandano Hugo Grotius.

Sed tiu defendo ne estis facila por la hispanoj kaj portugaloj, ĉar kontraŭe al Grotius, kiu defendis

la liberecon favore al sia propra patrujo, la hispanoj defendis tiun saman liberecon per propra konvinko, eĉ irante kontraŭ la hispana politiko.

2.— Nunaj Perspektivoj

La maro plu estas ilo de influoj kaj interrilatoj, kulturaj, sociaj, ekonomiaj ĝis la 1-a mondmilito. Sed la 20a jarcento sangis la sigr. fon de la maro.

Ĝis la 20-a jarcento, la leĝoj de la maro estis kutimjuraj, sed jam en 1.930-a serioze oni pensis pri la alprenado de komuna kriterio en la larĝeco de la Teritoria Maro.

La 1-a Konferenco, kunvokita de la Unuiĝintaj Nacioj, en Ĝenevo en la jaro 1.958-a, sukcesis adopti 4 konvenciojn, rilate la Teritorian Maron kun ebla apuda Zono (6 mejloj plus 6), Kontinentan Breton, Fiŝkaptadan Zonon kaj Liberan Maron.

Sed la ŝtatoj ne ĉiam agis laŭleĝe kaj multaj, unuafanke, ampleksigis la teritorian maron ĝis nepenseblaj limoj.

Ekonomiaj kaj politikaj faktoroj evidentigis la nesufiĉecon de la konvencioj de 1958-a kaj 1960-a.

Politike, la fino de la koloniismo signifis la eniron en la Unuiĝintajn Naciojn de novaj, ĵusnaskitaj, ŝtatoj, kiuj dubis pri la taŭgeco de la ĝis tiam sistemo, konsiderante ĝin subtenata de la antikvaj kolonioj. Tiu transformado de la Internacia Komunumo estas sentita ankaŭ en la ekonomia flanko. Tiuj novaj ŝtatoj luktas por sia propra

ekonomia malvolvo, kaj deklaras la proprion pri la apudaj riĉaĵoj, ĉefe la maraj.

Fine, la progreso de la teknologio ebligas la ekspluatadon de la maraj riĉaĵoj ĝis limoj tute nekonataj en la pasinteco.

Oni ne serĉas nur la vivantajn marriĉaĵojn per fiŝkaptado, sed ion pli valoran ekonomie: la nevivantajn riĉaĵojn en la profundeco de la Oceanoj, tio estas, la mineralojn: Nikelo, kobalto, kaj ĉefe nafto troviĝas en la submaraj fundoj.

Tiu evoluo estis tiel rapida kaj signifa, ke la novaj konceptoj pri Kontinenta Breto kaj Mara Grundo akiris elstarecon, kaj la komuna integrado de tiuj faktoroj, politikaj, ekonomiaj kaj teknologiaj alportis novan bezonon reguli, alimaniere, la Juron de la Maro. En 1.970-a la Unuiĝintaj Nacioj denove decidis kunvoki la 3an Konferencon pri Juro de la Maro, fininta per la Jamaika Konvencio en 1982-a kaj agnoskanta novan zonon, for de ĉiu teritoria rajto, kiu post 200 maraj mejloj, kaj rilatante al la riĉaĵoj de la maraj fundoj, estis, solene, proklamita "Komuna propraĵo de la Homaro".

Kompreneble, la teknologia malvolvo rilatis, ankaŭ, al la mara transporto, al la oceana esplorado kaj evidentigis novaj reguloj.

Jen, la evoluo de la graveco de la maro por la tuta homaro. Nun oni povas pensi ke kiel ĉiam la grandaj potencoj havos pli da rimedoj, pli da teknologio por eks-

pluatadi la marajn riĉaĵojn, same ol en la antaŭaj jarcentoj la grandaj potencoj havis pli da monopolo en la navigado, sed almenaŭ, se la ŝtatoj kaj la homoj, ankoraŭ, estas konsciaj pri la graveco de tiu medio, oni zorgos ne polucii la maron, ne supereksploati la vivantajn

riĉaĵojn, ne malebligi la komunikadon, kaj fine gardi la margrondon por la estontaj generacioj.

Mi esperas ke la proklamo de la Mara Zono kiel "komuna propaĵo de la Homaro" estu respektata de ĉiu Ŝtato, kaj ke la libera navigaĵto fariĝu vera interhoma komunikilo.

HONORAJ PREZIDANTOJ DE HEF

D-ro Rafael Herrero Arroyo †

D-ro Miguel Sancho Izquierdo

ESTRARO DE HEF

Prezidanto: s-ro Salvador Aragay i Galbany

Vicprezidanto: s-ro Luis María Hernández Yzal

Sekretario: s-ro Víctor Ruiz Rodríguez

Vicsekretario: s-ro Josep Miranda Calvo

Kasisto: s-ro Joan Font Civit

Voĉdonantoj: d-rino María Rafaela Urueña Alvarez (Kastilio-Leono)

s-ro Víctor Ortiz Gratal (Aragono)

s-ro Francisco Zaragoza Ruiz (Valencio)

s-ro Adonis González Meana (Asturio)

s-ro Tomás Caspe Cereijo (Andaluzio)

FAKOJ KAJ SEKCIOJ DE HEF

Libroservo: s-ro Luis Hernández García

Financoj: s-ro Agustin Boix Bernat

Ĉefredaktoro de la "BULTENO": s-ro Giordano Moya Escayola

HEJS—Junulara sekcio: s-ro Miguel Angel Sancho

Eldona: s-rino Inés Gastón Burillo

Informa: s-ro Enrique Piquero Vázquez

Fervojista: Rafael Ruiz Criado

ĈEFDELEGITO DE UNIVERSALA ESPERANTO—ASOCIO en Hispanujo
s-ro Juan Azcuenaga Vierna

FONDUSO ESPERANTO

Prezidanto: s-ro Salvador Aragay i Galbany
Sekretariino: Inés Gastón Burillo

OFICEJO en Madrido

s-roj: A. Figuerola, G. Flores kaj J. González Aboin

POEZIA ANGULO

EN MEMORIGO PRI NIA ELSTARA FORPASINTO

RAMON FERNANDEZ JURADO

LETERO AL TUNIZIO

Kien, la saĝ' malnova por literojn envicigi;
por formi vortojn —sed, ne laŭ kutima ordo—
al kiuj ni ne povas doni vivon propran,
pro senpoveco, por la ploron glosi,
la ridon, la ĝuadon kaj la hor-tristecon?
Ni serĉas, de mallumo al mallum', la vortojn,
okulfermite, kun anim' neforta,
samkiel ektuŝiĝas kun branĉaro blindaj birdoj,
per la flugiloj siaj, kriples vundaj.
El ritmoj, nun, por vi, mi faskon faras,
provante diri la dolorojn plej antaŭsentitajn,

pri kiuj ni apenaŭ konas l' originan fonton:
 akva elflu', de rok' al rok' falanta,
 kun ŝprucado je steletoj kristalecaj,
 kiu mildigas la pejzaĝon aspran.
 El la montpintoj, altaj kaj solecaj,
 ni vidos la kamparon sekan kaj senhoman,
 kaj, pli lontane, de l' montĉen' enfona,
 l' aŭroron de l' esper' estonta.
 Nur tion, al vi diri, volas mi. Ĉu troe?
 Aŭ, ĉu tro striktas la diraĵo mia?
 Knedinte miajn vortojn, restas povra
 tiu bakaĵo kiun mi elprenas el la pensoj.
 Falas la silentad' volvante vortojn,
 samkiel vintra roso sur paŝtejon.
 Ni travivadis renkontiĝon spirdaŭran
 — naskiĝon novan de du vivoj;
 fajreron de la tempo sub la cindro,
 kaj, ve, tuj poste, adiaŭojn senrimedajn,
 kiuj nin lasas orfaj je rigardoj kaj parolo.
 Lum' kaj mallumo, proksimeco kaj lontano;
 fulmo de gloro kaj abismo plentenebra,
 dum oni sentas korbataĉon de mistero granda
 volvanta kaj kisanta nin.
 Kiel infanoj estas ni, sed sur ni pezas
 la densa pako de la kalendarfolioj.
 La vento kaj la sun' mesaĝojn al vi portos,
 ĝis la tre foraj regionoj, kiuj gvatos vin.
 Kaj super la maro kaj la montaroj
 flugos ĉi-tiuj vortoj ĝis via renkont', amiko!
 Jen, tute simple: mi nur tion volas al vi diri.
 Vortojn mi envicigas, per litero post litero.
 Mi scias ke la cel' ne atingiĝis:
 ornamo signon el literoj kaj el vortoj,
 kaj perletere sendi ĝin al vi —al Tunizio—,
 do, trans nian maron tre amatan,
 por al vi diri ke mi solas sopirante vin.


Ramón FERNÁNDEZ JURADO

El la kataluna esperantigis
 Gabriel MORA i ARANA

Universala Esperanto-Asocio

Centra Oficejo:

Nieuwe Binnenweg 176, 3015 BJ Rotterdam, Nederlando tel (010) 26 16 20



FLORA SZABÓ-FELSC
7624 Pécs, Zója u. 5/B.
Telefon: (72) 23-274
HUNGARIO

Pécs, 1989.06.10.

Al: Partoprenantoj de la 45-a
Hispana Esperanto-Kongreso
C a r t a g e n a

Karaj Gekongresanoj,

en la nomo de la Estraro de Universala Esperanto-Asocio mi tutkore
salutas ĉiujn partoprenantojn de via Kongreso. Mi sincere deziras al
vi fruktodonan laboron kaj agrablan restadon en Cartagena.
Esperante, ke multaj el inter Vi ankaŭ partoprenos la Universalan
Kongreson en Augsburg

kun sinceraj salutoj:

Flora Szabó-Felső
gen. sekr. de UEA

A. C. E.

La 23an de aŭgusto fondiĝis en Santander la "Asociación Cantabra de Esperanto"; poste leĝe rekonita la 31an de aŭgusto.

Agados kiel provizora estraro:

Prezidanto — José Antonio Madrazo Aranguren

Sekretario — Miguel Gutiérrez Adúriz

Kasisto — Juan Azcuenaga Vierna

Membro — Pedro Ullate López

Unu el la multaj taskoj, entreprenitaj de la estraro, estas la kreo de biblioteko, por kiu jam venis kelkaj donacoj. Tamen, la ĵus naskiĝinta asocio anticipe dankas ĉiuspecan helpon ricevotan de la diversaj esperantaj grupoj kaj asocioj (informiloj, duoblaĵoj, revuoj, eldonaĵoj, ktp.)

La provizora adreso de la asocio estas:

A.C.E. / Camilo Alonso Vega 20 — 7° A

39010 Santander

HEJS

ATOCHA, 96-4.º - TEL. (91) 230 87 94
28012 MADRID

S-ro Salvador Arago
Prezidanto de HEF - Barcelono

Madrido, la 30an de julio, 1.985

Kara amiko:

Mi ĵus estis informita de Alberto Franco pri la diversaj okazintaĵoj en la pasinta kongreso en Kartageno. La tuta estraro kaj mi deziras esprimi sian dankon al vi pro la afabla atento, kiun dum la tuta okazintaĵo vi donacis al niaj tieaj reprezentantoj. Estas konstateble, ke komencas ekzisti fortaj pontoj de interkompreno kaj kunlaboro.

Aliflanke mi petas vin bv. transdoni nian dankesprimon ankaŭ al s-ro Albe-
rich pro lia gvidado de la aŭkcio. Estis belega gesto via kaj de Barcelona Espe-
ranto-Centro realigi tiun aranĝon por nia financado. Denove dankon.

Mi ĝojas, ke finfine ekzistas nenia problemo pri la HEF-a estrar-renoviĝo.
Ni ĉiuj deziras, ke via laboro estu ege fruktodona.

Elkoran saluton

Miguel A. Sancho

Miguel A. Sancho Pardo
Prezidanto de HEJS





REAL ACADEMIA
ESPAÑOLA

Palma de Mallorca, 21 de agosto de 1983

Sr. D. Fernando de Diego
Vía Universitat, 64, 1º 1º B
50010 Zaragoza.

Mi querido amigo,

Recibo con tanto interés como alegría los ejemplares de mi novela La familia de Pascual Duarte traducida por usted al esperanto. Su labor no puedo juzgarla, claro es, pero sí la edición, que encuentro muy elegante y digna; le ruego se sirva usted felicitar en mi nombre al Centro Barcelona Esperanto por su esmerada labor.

Deseo a la colección Hispana Literaturo una larga vida fecunda.

Un abrazo de su buen amigo,


Camilo José Cela

no 13
K



GENERALITAT VALENCIANA
CONSELLERIA DE CULTURA, EDUCACIÓ I CIÈNCIA

SERVEI TERRITORIAL D'EDUCACIÓ
ALACANT



Data: 30 de novembre de 1.984

Unitat: Secretaria Territorial

S/Ref: N/Ref: DP/VM

Assunt: Curso ordinari de Esperanto.

Destinatari: Sr. Director

C.P. "La Paz"
CALLOSA DEL SEGURA.

En contestación a su escrito, de fecha 22 de los corrientes, sobre asunto de referencia, tengo que comunicar a Vd. que, esta Jefatura tiene a bien acceder a lo solicitado.


Dios guarde a V.d.

LA CAP DEL SERVEI TERRITORIAL.-



Curset d'Esperanto

Pere Saumell i Vila



"CURSET D'ESPERANTO", VERKITA DE PERE SAUMELL I VILA
PREZO 750 PESETOJ. MENDEBLA ĈE: LIBRO-SERVO DE
HEF, POŝTKESTO 119, 47080 VALLADOLID.